

宋  
林  
琅  
書  
目

第一冊

宋版經部卷一  
宋版史部卷二  
宋版子部





天  
祿  
琳  
琅

書  
目

漢書四十年奉



乾隆四十年奉

勅編

天祿琳琅



御製題昭仁殿詩

芸帷木榻想貽淳

聖日常懸嚴袂振六十一年茲惕息百千萬世永昭仁好書

敢謂承

先志新德惟期澡我身檐嚮周廬列書室每聞佔畢達楓宸  
皇祖在御時常寢興於此予不敢居因以貯天祿琳琅諸善  
本時一徘徊曷勝今昔之思敬成長律丁卯初冬



*[Faint bleed-through text from the reverse side of the page]*

天祿琳琅鑒藏舊版書籍聯句有序

芸編蘊古香盈羣玉之藏茗榼延韶歡洽重華之賞溯  
前度籤羅縹碧聯吟美已窺全遞今番響戛琳琅比例  
珍宜居上翳此傳稱善本取之而盡拔其尤原夫刻貴  
初摹數焉而必從其朔蓋自石經乍泐製創成都雕字  
旋繁文詳廣順範移鐵版存中之舊話堪稽倚向書床  
邦彥之遺文彌艷况復西廊東庫領官留胄監之書兼  
看崇化麻沙入市走巾箱之式攷紀年於大定翠玉曾



鐫徵掌署於興文白藤競印逮勝國技沿剖氏蘇州樣  
比杭州更誰家影付鈔胥汲古妙借述古別梓梨而選  
粹寧徒邊論單雙驗楮墨而差良奚止畫分麤細啞耳  
食鈐題漫信擴名則贗鼎都刪任手披摸索非難審體  
則善刀能品物克聚於所好喜四百部甲乙都排書在  
佳而不多閱半千年菁華盡備歷宋金元明而完弄護  
持應藉六丁依經史子集以臚陳整姪真同二酉爰廼  
拈題舉典因之授簡分曹日是初三中適春朝元旦人

仍四七班兼鳳閣鸞坡計

祈年尚及經旬招宜徵角顧侍

讌纔過疇昔樂逮臣鄰詎矜中壘閣藜名沿天祿畧仿新吳

府玉韻叶青陽矧茲儲以昭仁在予益凜體仁之義亦

曰喻惟求舊願爾無忘由舊之規

御上正三節肇春祥茶宴重華例有常黃閣玉堂胥就列

赤文

仙藻首成章叶研嚴則抽中秘箋授臣鄰侍左廂四庫舊曾



廣竹素上年茶宴以四庫全書聯句臣舒赫德百城茲又詠琳琅涵書味

復融

詩味挹茗香頻沁墨香照以青藜早漢閣臣于敏中積來元圃陋

曾倉府區典籍西都固美埒球玕禹貢梁漫詡鄴侯籤

挿架臣李侍堯浪吟何氏屋連床乙光借賦乙未讌甲觀聯

披甲子裝書自乾隆甲子重裝以來凡有所各按部分

部系句諸書各系以臣福隆安

御製總臚目舉目歸綱宋版及影宋鈔全入題詠亦如四庫全書例以經史子集為次其元明版則各

舉其尤佳者入詠宋金鉛槧元明繼經史精華子集襄續後章編

王弼注周易

箋依毛傳鄭公鄉監本呂詩真鑑屬元汴呂祖謙讀詩

籟閣周禮精鈇標建陽周禮纂備闕官逸教補無名氏

禮纂圖互註臣官保解求盲左癖奚忘杜預春秋腴詞音辨唇

兮齒陸德明左墨守疵攻膏與盲公羊傳紅印鄂州霑

紙濕公羊解詁即何休注徐彥疏宋建本繆紋晉第

帶芸香穀梁傳注疏首有晉中書劄付胥徒掌程公

欽定天祿琳琅書目

茶晏詩

三 東武 錙氏



秋分記 未有元大德間奉 小字中箱尺寸強 五經小  
 江浙行中書省劄付紅印 臣王際華 學童四子  
 續匠六經貽宋殿 殿書籍印 臣王際華 廣梓閣中  
 湖衢庠 四書 宋詳申鄒邑推張拭子詳說 廣梓閣中  
 演野王 孫彊大廣益會玉篇 增 跡對聘規嘗紀數 六  
 之名始見莊子天運篇謂吾何以規老聃  
 哉及六經先王之陳迹云云 臣蔡新  
 御製 數虛班藝匪遺忘 如漢書藝文志無史類蓋是時諸史未興  
 秋類非 惟欣文景能休養 漢書亦曰明章號治康 後漢 五代  
 闕遺也 即隋尚如鄒 隋書

兩家改昫並存唐

唐書 宋初歐陽修改 昫舊唐書  
 舊書自有勝處 武考鈔涑水聊稽異 通鑑考異 資治  
 英殿版新舊並存 別其綱為提要此本乃繼刻 廬陵者 綱  
 刻廬陵肇間行 朱子資治通鑑綱目 是書初刻 溫陵

目分行間列如具本末全啟馮谷

春秋經傳例 如具本末全啟馮谷 袁樞通鑑紀事本末  
 琦宋元紀事本末 谷應泰明念終始典冠義黃 帝祖禹  
 紀事本末 襲之 臣嵇璜 糾厥繆爰資救匡 吳鎮新  
 提其要取括繁冗 史提要 諸 糾厥繆爰資救匡 唐書糾

直筆幾家窺筆削

呂夏卿唐書直筆 確評誰某彙評  
 重儻藍本癡循顧 劉向古列女

量 唐宋名賢歷代確論

不著彙人姓氏 重儻藍本癡循顧 劉向古列女  
 欽定天祿琳琅書目 茶晏詩 四 東武錫氏



圖傳為顧半壁黃圖僻剩杭祝穆方與勝覽時宋偏  
 愷之遺製上下歲三千可計歷代史雖未備然已具編年紀事  
 寓危說九百相望諸子雖立意不同總不志皆論也遷  
 仍况荀子史記禮志記蝶或周與紱寫莊南華經  
 明永樂間舍人爭逞儀秦用羸趙臣張若漑  
 王紱奉勅作贊汪網農桑書向曾題刻樓瑋耕織圖  
 御製特撫耕織更農桑於多稼軒茲書乃集陳勇農書秦觀蠶  
 書及樓瑋耕織洪懷逸少筆隨記洪邁容程演仲舒意寓良  
 織圖詩成之  
 程大昌鐘鼎蟲魚亞爾雅王休嘯堂  
 演繁露

形聲點畫匹凡將李錫排韻字類虞初嗣漸洧羣喙小說始自  
 家之流派摯別沿徐擷眾芳漢志但云某家若干篇紉佩秋  
 蘭託湘沅楚辭曹秀先臣翻埒春草接池塘謝朓拾遺句配  
 黃金匱杜工部九注箇繙敗錦囊九家集注杜詩是  
 書內檢淮蔡仆碑壓山斗韓昌黎文集溪潭遊記闢蠻  
 得之柳州博誇五百狐留腋臣梁國治韓昌黎集  
 荒文集博誇五百狐留腋者自誇擬拾之富實祗百  
 四十八巧遇一雙劍合鎧英殿舊貯因新得五百家注  
 家而巳取校之同為韓思頰手排雜琴局歐陽修六一家注  
 韓集取校之同為韓思頰手排雜琴局士集  
 醇刊本作稱雙壁

欽定天祿琳琅書目  
 茶晏詩

五東武錫氏



和陶神遇引壺觴蘇軾和箕弓裘冶兄師教蘇轍樂城

所刊輪輅水冰賓客場六臣注了識佚名錄枚傳徐陵

新詠按文選古詩十九首不著作者姓名其

御不收新律韻宮商姚鉉唐文粹此書祇收古遺蘇文選

疑難解聖宋文選不可獨憶杜正宗慨以慷真德秀文章

序以自昔集錄此文粹者若杜預諸家湮沒弗傳而行賦擬

世之昭明文選唐文章粹二書未得源流之正云云

青錢益小技賦選青考憑玉枕祇專長桑世昌蘭亭考金源印獨難驟斬

吳



貞觀政要乃金時版宋影騰佳擬擷顧藏書家競貴

祇此一為世所罕見宋影騰佳擬擷顧藏書家競貴

好實有遠過雕本者聞擴九師通奧突趙汝棣周易輯

說宗七日契微茫趙彥肅復贊交象豕猜圖馬王宗傳

傳其說主義徵夏商周愛餽羊聶崇義會讀論須淳

理以言象數汪廷興說艷題名訝狀元張張九成頡篇約

祐蔡蔡節論語集說艷題名訝狀元張張九成頡篇約

譜物從朔夏竦古文內則少儀謙弗遑張時舉小年表

自然堪綴范熊方後漢書年長編馬肯遽齊光李燾續

鑑長編按司馬光作通鑑先排長編燾紀河山故汴

欽定天祿琳琅書目

茶晏詩

六東武錫氏



鴈橫塞王存九風月清波雀處堂周輝清魯語餘猶傳

孔聖家語臣阿肅

御製宋儀精敢企

軒  
皇新儀象法要宋蘇頌編當時臺郎所拜皇祖學契

實足為天全圖庚鼎足冠冕欽定數理精蘊儀象考成諸書

雜記金壺頗博詳宋釋適之屈子志寧在草木騷草木疏

劉郎詞早叶笙簧劉賓客友朋輞水言都妙王摩詰昆弟

盤洲譽最揚洪适盤洲集寫比鈞摹觀太乙以上影宋鈔本

栞偏鄭重牒文昌元時書籍並由中書義原靡盡聖經

大真德秀大音所由生樂記陳暘瑣載續貂補安取

李學國史補傳記劉錄作國朝瓌譚鑄象怪何妨山海

予西蜀乃同室李道命錄斧鉞東萊空望洋呂祖謙東才

雋左司宜柳替韋蘇州集謀深內相為裴傷陸宣大

都叢簡搜瑜瑾以上元版入選者共八十餘勝國雕梨

汰莠稂其內府所藏明版得二百五十餘部取王侍書饒癡

且垢種明版黃伯思觀餘論是書內有法帖刊誤一

欽定天祿琳琅書目

茶晏詩

七東武



釋文考異多採  
之臣曹文植

御製

元才子直走而僵白氏長慶集其實微之不逮當時元白齊名輯今弄

古非同事天祿文淵故別藏舊藏宋金元版書籍彙為天

書則特建文淵文源賈製還因重訂正琅近因重校凡偽充宋

元津三閣分貯之元槧印者俱詳加別擇改正

兼權嚴與判低昂有確係舊刻而時代向二坊私版官

三舍祝穆云建寧崇化麻沙二坊號圖書之府今所藏

諸邸外儲內兩廊中有東宮書府晉府印又內殿版也鮮

樞頰趙孟璧文貞王世昌董其晉毛振季振宜皆鑑

題跋沈初趙衢宋長韓臨印陳臨安乾鼓橋岳相臺岳

廖世綵余建安勤汪新安汪網南陳宅書舖岳氏家塾

元明世流傳手眼衡殊允久經鑒賞流傳確有可據繪

畫鬚眉興欲狂漢書前有趙孟頫王世貞少益貴乎多

益善數部之多者臣紀昀前思作矣後思臧書而

宋元明各梓本以後仿盤螭璽疊登

前而益工者兼為錄御覽紫蚪章鮮揭寶房間有舊用

璫府每部用乾隆珠琅兩璽紫蚪章鮮揭寶房文淵閣及

欽定天祿琳琅書目

茶晏詩

八

東武錫氏



內府圖書等章

寵賁

天顏知有喜內最善本如前漢書資治通鑑綱目九家注杜

褒題

奎翰訓無彊曾經三十二御題聚珍井井超模範武英殿聚珍

簡備如書中明無錫華氏銅活字掃葉紛紛對勘戕諸  
長慶集亦此法然致用較為不便  
本皆完善精確憑以校聯詠服膺源出水閣記並以水  
對或可少免掃葉之誤  
言文涵滙萬有源委一貫以四部為  
六義乃詩之淵源也  
臣陸費墀

寢

御製藏編拭目派歸滄所收各種並即舊時

息仰霄漢天祿琳琅之書貯於昭仁殿此日書聲達尚方上

房即對此殿皇子讀書銘著昭仁深體驗行斯未逮敢無  
聲每達於此向曾有詩

欽定天祿琳琅書目

茶晏詩

九

東武錫氏

嘉蔭籙鈔書



天祿琳琅書目  
卷一  
御製題昭仁殿詩及乙未  
重華宮茶宴用天祿琳琅聯句詩自乾隆甲子年稟

欽定天祿琳琅書目

提要

臣等謹案

欽定天祿琳琅書目十卷乾隆四十年內直諸臣奉

勅編校卷首冠以丁卯歲

御製題昭仁殿詩及乙未

重華宮茶宴用天祿琳琅聯句詩自乾隆甲子年稟

集



內府儲藏羣籍中善本列架度藏於

昭仁殿

賜名天祿琳琅迄今三十餘年珍儲愈廣因重加整比  
輯為總目其次序則宋金元明板各從其代仍以  
經史子集分類其明影宋鈔之精者亦皆選入或  
一書而兩刻皆工一刻而兩印皆妙者則並登之  
每種其鈔刻年月及收藏家題跋印記其經  
御製題識者則錄於鑒藏之首以昭藝林榮遇蓋自來

藏書譜錄未有美富精詳若斯之盛者也乾隆五  
十二年二月恭校





凡例

一

天祿琳琅彙自乾隆甲子年冊府重裝標函列架閱今三

天十餘載慶惟

皇上久道化成文治覃洽

欽定四庫全書珍儲

三閣美富備臻而古槧之藏於

內殿者視舊益加廣焉爰以舊藏續入諸種編輯書目以

欽定天祿琳琅書目

凡例

一 東武錫氏



合於古者秘書中外之義

一書首冠以丁卯

御題昭仁殿詩并乙未

重華宮茶宴廷臣及內廷翰林等用天祿琳琅聯句詩

天文煥朗縹帙生光亦以識弄藏之由與茲觀成之盛事焉

一宋元明板書各從其代每代各以經史子集為次金

槧僅止一種正如吉光片羽增重書林至明影宋鈔雖

非副氏之舊然工整精確亦猶昔人論法書以唐臨晉

帖為貴均從選入

一同一書而兩槧均工同一刻而兩印各妙者俱從並

收以重在鑒藏不嫌博採也

一卷中於每書首舉篇目次詳考證次訂鑒藏次臚闕

補至考證於鈔刻加詳與向來志書目者少異則是編

體例宜然爾

一諸書中有經

御製題識者尤為藝林至寶珍逾琬玉敬登鑒藏之首至舊

欽定天祿琳琅書目

凡例

二 東武錙氏



人題跋亦為附錄其印記則仿清河書畫舫之例皆用真書摹入以資考據

一書名悉依本書首行及版心標目籤題舊未畫一者今悉更正套籤於舊藏者添識已未重訂續入者則識乾隆乙未重装用志哀集次第

一諸書每冊前後皆鈐用

御璽二曰乾隆御覽之寶曰天祿琳琅其宋金版及影宋鈔皆函以錦元版以藍色緋明板以褐色緋用示差等

乾隆四十年歲次乙未新正上澣臣于敏中臣王際華  
臣梁國治臣王杰臣彭元瑞臣董誥臣曹文植臣沈初  
臣金士松臣陳孝泳奉

勅編校





欽定天祿琳琅書目卷一

宋版經部

周易一函五冊

上下經六卷魏王弼注繫辭以下三卷晉韓康伯注周易畧例一卷王弼著唐邢璣注俱唐陸德明音義共十卷

是書不載刊刻年月而字法圓活刻手精整且於宋光宗以前諱皆缺筆又每卷末詳記經注音義字數宋版



多此式其為南宋刊本無疑  
琴川毛晉藏書類以甲乙為次是書於宋本印記之下  
復加甲字印乃宋槧之最佳者晉元名鳳苞字子晉蘓  
州常熟人好古博覽構汲古閣藏書數萬卷刻十三經  
十七史古今百家之書手自校讐僮僕皆能抄書著述  
甚富見蘓州府志

宋本

甲

朱文 一卷

毛晉之印

朱文 卷一 卷四 卷六

毛氏子晉

朱文 卷一 卷四

闕補卷三 二卷九 全卷十 全

監本纂圖重言重意互註點校毛詩

二函 十冊

首毛詩圖譜正文全錄漢毛萇傳鄭康成箋附唐陸德明音義復加重言重意互註三例共二十卷

朱彞尊經義考載纂圖互註毛詩二十卷引陸元輔語曰此書不知何人編輯鈐刻甚精首之以毛詩舉要圖二十五次之以毛詩篇目其卷一至終則全錄大小序毛傳鄭箋陸氏釋文而采左傳三禮有及于詩者為互



註又標詩句之同者為重言詩意之同者為重意蓋唐  
宋人帖括之書也此本證以所言雖無圖目而體例適  
符惟書中於篇目相同者為重篇詩句相似者為似句  
乃元輔所未及蓋因書名未經標出遂不加詳考耳至  
其字畫流美紙墨亦佳信為鈔本之精者

本朝御史季振宜藏書仿毛晉汲古閣例有宋本橢圓印  
以誌善本尚書徐乾學傳是樓收藏書籍甚富此書兩  
家印記俱備蓋歷經鑒藏家珍秘也振宜字詵号號滄

葦揚州泰興人順治丁亥進士授蘭溪令歷刑戶兩曹  
擢御史乾學字原一號健菴蘓州崑山人康熙庚戌進  
士第三授編修官至刑部尚書所著有愔園文集

宋本

季印 振宜

滄 葦

崑山徐 氏家藏

俱朱文

愔 園

旻

健菴 真賞

朱文 俱圖譜

季振宜 讀書

朱文 卷一 卷四 卷九 卷十 卷十三 卷十六

應 召

白文 卷四

應 召 珍藏

朱文 卷六 卷九

季印 應 召

朱文 卷十三

東萊家塾讀詩記

二函 十六冊

欽定天祿琳琅書目

卷一

三

東武錫氏



宋呂祖謙著三十二卷第一卷為綱領卷二以下釋大小傳經文博引諸家注成之朱子序中箱本不載鈔刻年月按陳振孫書錄解題云自公劉以後編纂已備條例未竟學者惜之是本公劉首章下識云先兄修是書至此終自公劉次章訖終為則往歲所纂輯未及刊定今不敢損益姑從其舊則此書乃其弟所校刊也

御題此呂氏家塾本也說詩家自毛鄭後同異紛紜鮮所折

襄東萊蕪綜眾說挈要提綱斷以己意於三百篇之義殆庶幾乎向為樵李項氏家藏卷約字工猶屬閩中舊刻其珍惜之乾隆御識鈐

寶二曰幾暇怡情曰乾隆宸翰

樵李項元汴藏本有印記元汴字子京好收金石遺文圖繪名跡凡斷幀隻行悉輸其門書法出入智永趙吳興之間兼工山水號墨林居士見董其昌容臺集

子京

朱文 卷終 序

項墨林 鑒賞章

白文 序

法 蔭

朱文 序



闕補卷四 二十九之卷二十五 五卷二十七 一卷三十二

末行

周禮 二函 十二冊

漢鄭康成注唐陸德明音義十二卷

宋岳珂相臺書塾刊正九經三傳沿革例云世傳九經

自建蜀京杭而下有建余氏本分句讀稱為善本云云

此書每卷後或載余仁仲比較或余氏刊於萬卷堂或

余仁仲刊於家塾所謂建余氏也句讀處亦與所言相

合又卷末各詳紀經注音義字數點畫完好紙色極佳  
張氏古照堂所藏名無考

雲 白文 各卷

白門張氏家藏

朱文 各卷

魯藏白門張氏古照堂

白文 各卷

圓知行

朱文 卷一

纂圖互註周禮 二函 十二冊

前周禮經圖三十有九各系以說次篇目正文全錄鄭

注及唐陸德明音義復加重言重意互註三例共十二

卷



按宋陳祥道有周禮纂圖其書已佚此書纂圖不載撰人姓氏而圖說多引祥道禮書之言或本之祥道書故仍其名音義後標重言重意互註與前監本毛詩同當亦唐宋人帖括之書但標名無重言重意四字經文不施句讀版尺寸亦較縮耳又經義考載周禮附音重言重意互註十二卷引繆泳謂元人所輯並無指實且與纂圖互注毛詩出唐宋人之說自相矛盾此本的係宋槧非明尹洪兩廣重刻本也

諸卷前後原有印記不知何時割去迹尚可辨

闕補經圖一之卷十二八十八

春秋經傳集解

四函三十二冊

晉杜預集解三十卷前自序末附五代馮繼先春秋名號歸一圖二卷無名氏春秋年表

諸卷末有木記曰相臺岳氏刻梓家塾或曰相臺岳氏刻梓荆谿家塾為長方橢圓亞字諸式具大小篆隸文蓋南宋岳珂乃飛孫本相州湯陰人故以相臺表望南



渡後徙常州今宜興有珂父霖墓故家塾以荆谿名珂校刊九經三傳著沿革例讐勘最為精覈其辨折此書之言曰春秋名號歸一圖二卷馮繼先撰刊本多訛錯嘗合京杭建蜀本叅校有氏名畧同實非一人而合為一者有名字若殊本非二人而析為二者有自某國適他國而前後互見者有稱某公與某年而經傳不合者或以傳為經或以注為傳或偏旁疑似而有亥豕之差或行數牽連而無甲乙之別若此類非一今若訂之經

傳勘其譌謬且為分行以見別書若雜出於經傳與注而止稱經或傳注散見於前後數年間而止稱某公某年蓋據始見而書之廖本無年表歸一圖今既判公穀併補二書以附經傳之後又曰春秋年表三朝藝文志不載作者名今諸本或闕號名或紊年月叅之經傳多有舛錯不無刊寫之誤甘以經傳正之史記年表書事今表止書繼立循舊不敢增又曰按館閣書目元豐中楊彥齡撰二卷紹興中環中撰一卷今本一卷與紹興



中本及藝文志所載者同珂之考證如此今詳閱卷中凡所臚謬誤之處俱經改正無訛然則此本之善具徵學密匪獨工良也

曾入明項篤壽萬卷堂後歸季振宜家其紫玉元居寶刻不知誰氏之章諸印於各卷中間互錯出蓋諸家裝潢分冊參差不齊又或祇得其半今裒然全帙洵足寶也篤壽字子長秀水人嘉靖壬戌進士入詞林性好藏書見祕冊輒令小胥傳抄儲之舍北萬卷樓見浙江志

宋本

季印振宜

滄序朱文

季振宜字說方號滄葦

朱文表卷六卷八

圖卷一卷三卷五卷十卷十二卷十四卷十六卷十八卷二十

美酒飲教  
微醉後  
好花看到  
半開時

朱文  
年表

項氏萬卷堂圖籍印

八分書 朱文 卷十四 卷十六 卷十八 卷二十

紫玉元居寶刻

朱文 卷十七 卷十九 卷二十一 卷二十三 卷二十五 卷二十七 卷二十九

春秋經傳集解

二函 十五冊

晉杜預集解三十卷自序

欽定天祿琳琅書目

卷一

八

東武錫氏



相臺書塾刊正九經三傳沿革例云世所傳九經有建  
余氏興國于氏二本皆稱其善而廖氏以余氏不免誤  
舛于氏未為的當合諸本叅訂為最精板行之初天下  
寶之又云廖本春秋無年表歸一圖此書每卷末有木  
記曰世綵廖氏刻梓家塾為長方橢圓亞字諸式具篆  
文八分而不載年表歸一圖蓋岳珂所稱者即為此本  
考中興藝文志載世綵堂集三卷稱政和中廖剛曾祖  
母與祖母享年最高皆及見五世孫剛作堂名世綵以

奉之士大夫為作詩又趙均石蹟記廖瑩中刻世綵堂  
帖瑩中名玉號羣玉為賈似道客周密癸辛雜識載賈  
廖刊書一條云廖羣玉諸書九經本最佳凡以數十種  
比較百餘人校正而後成以撫州草抄紙油烟墨印造  
其裝褫至以泥金為籤則其貴重可知矣  
姜東王世懋藏本世懋字敬美世貞之弟明太常卿又  
卷中多有徑山居頂菴紅記按徑山為天目東北峯山  
門事狀云徑山之頂乃天目龍之別居國一大師法欽



隱此山頂山志雖不載居頂菴而釋德清凌霄峰記云  
圓照禪師居峯頂十年古鼎禪師亦居十年梵懷慧公  
結菴於頂居十三年蓋徑山以峰頂為祖庭主僧講席  
在焉或旁通儒書曾藏此本此諸僧者未知其何屬也

敬美

白文  
各冊

王印  
世懋

白文首冊之四冊末副葉  
七冊之十四冊末副葉

徑山居頂菴

真書朱文  
散見各卷

闕補卷十三卷十四卷十七之卷二十二計四冊鈔刻  
亦精但字畫較瘦卷末無世綵廖氏印書中亦無徑山  
紅記乃用別本補入

監本纂圖春秋經傳集解

四函  
二十八冊

宋蘓軾春秋列國圖經傳全錄晉杜預集解附唐陸德  
明音義復加重言重意似白互註諸例共三十卷前後  
預自序

是書與監本纂圖重言重意互註點校毛詩體例相同



字形槩式亦俱昭合意唐宋人帖括之書羣經皆備合之纂圖互註周禮知為當時所並行

吳江縣志載張基字德載於書無所不窺尤邃於經術著述甚富崇禎時贈翰林院待詔此即其藏本其謹止齋潯陽山人青芝山房三印無考

吳江張基德載圖書

朱文卷一

謹止齋鑒賞章

朱文序

潯陽山人

朱文卷一之卷十卷十二之三十一

青芝山房寶藏

朱文卷三十

卷十六

春秋左氏音義

二函八冊

唐陸德明著五卷後附宋聞人模經傳識異

按此即德明經典釋文之一左氏釋文原六卷今合卷五六為一宋嘉定時興國學刊本興國軍隸江南西路亦江西諸郡書版也卷末結銜五人為知軍通判教授判官又有教授聞人模跋載本學補刊春秋更新五經之由蓋當時刻春秋而附以陸氏音義今獨存音義耳按德明釋文本分五經三傳并及孝經論語爾雅莊老



各自成編無嫌單行也  
琴川毛氏崑山徐氏兩家藏本有印記

毛晉 朱文 卷一  
汲古 主人  
毛氏 子晉 朱文 卷二  
崑山徐 乾學健 卷五  
白文 卷五

監本附音春秋公羊註疏 二函 十六冊

漢何休解詁唐徐彥疏附唐陸德明音義共二十八卷  
休自序

宋景德二年六月中書門下牒文奉勅校讐刊印頒行

具載編首牒後結銜工部侍郎叅知政事馮兵部侍郎  
叅知政事王兵部侍郎平章事寇吏部侍郎平章事畢  
考宋史宰輔表景德元年八月畢士安自吏部侍郎叅  
知政事加同中書門下平章事寇準自兵部侍郎加同  
中書門下平章事二年四月馮拯自工部侍郎除叅知  
政事皆與牒合而二年叅知政事有王欽若王旦二人  
通鑑綱目載欽若以四月罷牒在六月知非欽若也歐  
陽修文正王公神道碑銘咸平四年以工部侍郎叅知



政事再遷刑部侍郎景德二年始遷尚書左丞牒文為  
兵部侍郎微有不合但下牒時旦方叅政其遷尚書左  
丞或在牒後况時閱五年其中遷轉靡常碑文失載未  
可知也  
書首有尚友方記不知誰氏而卷中丹筆竄注之處校  
勘頗為詳密

尚友

白文  
牒前

春秋

公羊經傳解詁

二函  
十冊

漢何休學十二卷休自序

鐫刻年月不載而字體甚古於宋孝宗以上諱皆闕筆  
知為南渡後刊

書中每間數紙輒有真書木印曰鄂州州學官書曰鄂  
洋官書帶去準盜考王應麟玉海咸平四年六月詔郡  
縣有學校聚徒講誦之所賜九經書一部大觀二年六  
月州學藏書閣賜名稽古則州郡諸學置官書自宋初



已行之李心傳朝野雜記載王瞻叔為學官常請摹印諸經疏及經典釋文許郡縣以贍學或省係錢各市一本置之於學是南渡後猶重此舉且有準盜之條官守於綦嚴矣

闕補卷十二末

監本附音春秋穀梁註疏

二函十冊

晉范甯集解唐楊士勛疏附唐陸德明音義共二十卷士勛序

朝野雜記云監本書籍紹興末年所刊是書於欽宗以上諱皆闕筆而皇瑗瑗字乃孝宗諱全書不闕蓋紹興監本也又云胄監刊六經無禮記今猶存毛詩春秋左氏公羊穀梁傳而禮記亦可證矣朱謀埠藩獻記晉莊王鐘鉉憲王之子高皇帝曾孫也正統七年以榆杜王進封王好博古喜法書嘗以絳帖歲久斷脫令世子竒源采舊所藏古今名人墨跡摹刻以傳號寶賢堂集古法帖今世傳多書畫多晉府章即其人也餘諸印無可



考或仿漢銅章皆隨手鈐用無關鑒藏也

**晉府書畫之印**

朱文序卷二卷四卷六  
卷八卷十卷十一卷十二  
卷六卷六卷十

**天葩雲錦**

朱文序卷十二

**笑引**

朱文序卷十二

**軍假司馬**

白文序卷二卷四  
卷六卷八卷十卷十二  
卷六卷六卷十

**山石**

朱文卷二以下同上

監本附音春秋穀梁註疏十二函十二冊

篇目同前

勘對此書與前景德二年中書牒刻公羊註疏板匡字

體俱合板心上注每紙大小字數中標名公疏穀疏字亦從俗省筆出於匠手兩本正符蓋景德原刻諸經此其二也

明沈周有竹居所藏周字啟南長洲人於書無所不覽文摹左氏詩擬白居易蘇軾陸游字仿黃庭堅為世所愛重尤工於畫評者謂為明世第一巡撫王恕彭禮咸禮敬之欲留幕下並以母老辭終身不仕明史有傳其羣雅齋吳惟明印康虞父三印大小畧等似係一人之



章但世里未詳至方外司馬一印亦無考

羣雅齋

白文序

吳印惟明

白文序卷四卷七卷卷四

周沈家藏

白文序卷一卷一卷四卷七卷十卷四卷十

康虞父

白文序

吳印惟明

朱文序

方外司馬

白文序

春秋分記

四函四十冊

宋程公說著首例要三則次年表九卷世譜七卷名譜二卷書二十六卷周天王紀二卷內魯及列國世本三

十二卷次國小國及四夷十二卷共九十卷前游侶序公說自序又其弟公許序並附公說墓誌銘

宋淳祐三年程公許守宜春刻是書於郡齋陳振孫書錄解題盛稱之此本卷中多有元時鈐用官印且於首尾紙背用紅字條記係大德十年江浙等處行中書省奉中書省取備國子監書籍令儒學副提舉陳公舉校勘申解考元史世祖至元十二年括江西諸郡書板宜春隸江西蓋至元詔取而大德始上此即宋刊元印之



本

御題分記原通記尊王義寓中年經國為緯外抑內斯崇統萬乃惟一會殊則以同稀珍傳宋槧遣暇可研窮乾隆甲午秋御題鈐

寶一日乾隆御筆

五經

一函六冊

易書詩禮記經文春秋左氏經傳不分卷

中箱本行密字展朗若列眉中構字闕筆慎字瑗字不

闕乃高宗時刊上方列字音近錫山秦氏仿宋刻中箱九經亦同此例

闕補禮記

六十九卷

春秋

六經圖

一函六冊

宋楊甲撰毛邦翰補大易象數鉤深圖一冊尚書軌範撮要圖一冊毛詩正變指南圖一冊周禮文物大全圖一冊禮記制度示掌圖一冊春秋筆削發微圖一冊不分卷苗昌言序



序載陳大夫為撫之期年取六經圖編類為書刊之於學事在乾道元年序後列銜知撫州陳森見西江志職官門次通判學正各一人學錄二人經論六人而邦翰為州學教授實補諸圖此書宋本在明時已為難致新都吳氏曾購得授梓見顧起元序今重刻本或間有之若此本之古香寶刻誠希珍也

御題宋版六經圖八韻太古圖先書後出考書或不考圖非陳刊苗序誠探要物列文彰允造微典備六千年燭照冊貽

五百載芸翻玩時愒日凜儆戒惕夕乾朝守範圍傳授都因著姓氏次銓還以正依章六經敢曰能窺道一已惟應勵勅幾敬奉

裡宗陳俎豆恪遵

家法置冠衣帝王學與儒生異罪我由他知我稀乾隆乙未仲春月御筆鈐乾隆雙璽

按玉海紹定六年六月甲午緝熙殿成御書二字榜之宋史理宗本紀六年秋九月以緝熙殿榜記宣付史館



書中有緝熙殿及內殿文璽御府圖書三則宋時已為善本登之中祕矣又有明文淵閣印更徵累代寶藏于慎行筆塵載明中葉文淵閣書散佚殆盡蓋已流布人間或吳氏所購得即此本爾其鬻及借人為不孝一印乃是收藏家取唐杜暹語以示其後人考宋周輝清波雜識稱暹每於所藏書末自題云清俸買來手自校子孫讀之知聖道鬻及借人為不孝

文淵閣印

朱文 一冊 二冊 四冊

內殿文璽

御府圖書

緝熙殿書籍印

俱朱文 各冊

鬻及借人為不孝

朱文 四冊圖首 五冊圖首

四書

五函 二十七冊

朱子章句集註大學一卷中庸一卷論語十卷孟子十卷朱子序說讀法

咸淳癸酉衢守長沙趙淇刊於郡庠每版中有衢州官



書四字中興館閣續錄秘書郎莫叔光上言今承平滋  
久四方之人益以典籍為重凡搢紳家世所藏善本外  
之監司郡守搜訪得之往往鋟版以為官書其所在各  
自版行宋時郡守刻書於此可證此本淇為衢守所刊  
時度宗九年按虞集道園學古錄淇乃趙葵次子幼以  
郊恩補承奉即舉童子科刻書後六年而入元拜湖南  
道宣慰使又趙希鵠洞天清錄鏤版之地有三吳越閩  
衢郡屬越由來舊矣琴川毛氏藏本印記最夥其鼎元

雙印

秘殿珠林內錢選洪崖圖幀首有之上有錢氏印下曰仲  
雅又見宋版漢書下曰伯雅而此曰季雅似鼎鼎行好  
古鑒藏家也餘無考

鼎

元

季雅

朱文  
大學序

毛晉

朱文  
大學中庸序首卷首  
論語卷一  
卷三  
卷四  
卷六  
孟子卷十二

毛晉  
之印

朱文  
大學卷末  
論語卷一  
卷二  
卷三  
卷五  
卷七  
卷八  
卷十  
孟子卷一之卷七  
卷九  
卷十一之卷十四



毛氏子晉

朱文 中庸首冊 二冊 論語序 序說 卷一 卷二 卷三 卷五之卷十 孟子卷一之卷七 卷九之卷十一 卷十三 卷十四

汲古得修綆

朱文 中庸首冊 二冊 論語卷四之卷六 卷八 孟子卷一 卷二 卷五 卷六 卷八

汲古主人

朱文 論語序 卷六 卷七 孟子序說 卷三 卷四 卷六 卷十一 卷十四

子晉書印

朱文 論語卷四 卷五 卷六 卷九 孟子卷二 卷五之卷十 卷十二

毛晉私印

朱文 論語卷七 孟子序說 卷三 卷四 卷八 卷十一 卷十四

東吳毛氏圖書

朱文 孟子卷一 卷二 卷六

汲古閣

朱文 孟子卷七 卷十二

汲古閣

朱文 孟子卷九 卷十四

耕野曹之格新民印章

朱文 大學序 卷首末 中庸序 卷首 論語序 卷一之卷六 卷十 孟子序說 卷一之卷十四

半仙

朱文 中庸序 二冊

南軒先生張侍講孟子詳說

一函 六冊

宋張拭著七卷前癸巳孟子說序講義發題一則

按序拭為是書始自戊子成於癸巳故以癸巳名書而講義發題下注戊子紀年寓意序所云蓋將繼此而有考於異日也宋史藝文志載拭孟子詳說十七卷癸巳孟子說七卷文獻通考止載孟子說十七卷此本正癸



已孟子說而刻者誤冠詳說之名耳然其標題自屬宋  
款密行疎字精斬也

景定五年甲子詔歲二月二十日重裝於元吉山房卷四

未

正統十三年戊辰歲夏四月上旬重裝於吳庠書舍樂

安蔣裕識卷七

右識語二其一紀宋理宗景定年號而不書名其一乃

明蔣裕蓋司教於吳者也後為崑山徐氏藏本餘無考

湖山佳勝樓

白文卷二卷四  
卷六卷七

香山潘崇禮甫藏書印

朱文序餘同上

思陵周氏九松迂叟藏書記

朱文序卷一卷三  
卷六卷七

周良金印

同上

乾學

朱文

徐健菴

白文卷一

大廣益會玉篇一函六冊

梁顧野王撰唐孫強增三十卷前有大中祥符六年都  
大提舉玉篇所牒及字数野王序啟各一首近吳江張  
士俊澤存堂重刊宋本玉篇朱彛尊為之序謂顧氏玉



篇唐上元末孫強稍增多其字至宋陳彭年吳銳邱雍輩又重脩之於是廣益者衆而玉篇又非顧氏之舊孫氏玉篇去古未遠猶愈於今之所行大廣益本玉篇復上元本而古之小學存焉矣其書較是本獨無牒文二十四卷後新加兩條在三十卷後而闕十八卷後兩條但多附分毫字樣及神珙反紐圖耳彛尊咎彭年等之重修而牒文內明稱彭年等校勘允當其實所謂上元本即此大中祥符本也以復孫氏之舊為辭故去其牒

耳且彛尊之意以廣益為非今核兩本字数俱符而澤存堂重刻本頤部反多一頤字又何說也考宋史經籍志但有彭年重修廣韻而無重修玉篇惟文獻通考載重脩玉篇三卷非此書書錄解題云丁度等既修集韻奏言添字既多與野王玉篇不相參協乞委修韻官別為類篇與集韻並行則與玉篇不相蒙矣是本款式皆宋槧但分卷而不隔流水又一例也

闕補九十







彼六經之語書尾載淳化五年奉勅刊正至道三年呂端等進書後又有景祐元年余靖奉詔偕王洙赴崇文院讐對嘉祐六年陳譚重校歐陽修看詳雕印熙寧二年書成奏御各銜名據此則淳化至道間校正之本在宋太宗時業經雕印真宗景德年又經重刻仁宗景祐時復命余靖等校正神宗嘉祐熙寧間經歐陽修詳定刊成是北宋時官刻漢書已非一本而熙寧本為最後然詳閱此書首葉牒文中慎字有缺筆係避宋孝宗諱

又凡遇完字皆缺筆係欽宗嫌名則名為南宋時重刻之書非熙寧舊本考朱彛尊經義考載宋葉夢得語曰淳化中以史記前後漢書付有司摹印自是書籍刊鏤者益多又載宋李心傳語曰監本書籍者紹興末年所刊也國家艱難以來固未暇及九年九月張彥實待制為尚書即始請下諸道州學取舊監本書籍鏤版頒行從之然所取者多殘闕故胄監刊六經無禮記正史無漢唐二十一年五月輔臣復以為言上謂秦益公曰監



中其他闕書亦令次第鏤版雖重有所費不惜也由是  
經籍復全云云乃知宋代摹刻漢書始於淳化而此則  
照熙寧本重付剞劂想即心傳所稱紹興末年所刊之  
本直至孝宗之時校讐完備始得次第成書耳當時詔  
勿惜費鄭重其事故書手刻工皆屬上選摹印紙墨亦  
經加意取材必求精善宜官刻之書無出其右者矣  
御題內府藏舊刻書甚夥而前後漢書雕鐫紙墨並極精妙  
實為宋本之冠覽前人跋語知舊為吳興趙孟頫家物展轉

流傳一歸之王世貞再歸之錢謙益王錢輩皆精於賞鑒而  
愛惜珍貴至比之寶玉大弓良非虛語每一緡閱楮墨猶香  
古今至寶真有神物護持耶乾隆甲子仲秋之月御題鈐  
寶三曰乾隆宸翰曰幾暇臨池曰稽古右文之璽又  
御題冠冕琳琅天祿收因刊書目閱後頭吳藏本自趙魏國  
楚得重歸王弇州久入上方不知故茲編四庫識其由舊杯  
新葺多佳玉却笑無能大白浮乙未新正下泮御題鈐  
寶二曰幾暇怡情曰得佳趣中繪



御容鈐乾隆雙璽左方鈐

寶二曰德日新曰執兩用中

牒文前葉有趙孟頫像右方上書趙文敏公小像下書長洲陸師道題於顧汝修芸閣考王世貞弇州續稿載陸師道字子傳長洲人官尚寶少卿汝修無考按明版秦漢印統有黃姬水序稱其書為東川御醫顧公所纂厥嗣汝由光祿汝修鴻臚汝和廷評共成之考松江志顧從禮字汝由顧從義字汝和而不及汝修今卷中有

顧從德印以從禮從義證之當即汝修之名但姬水稱其官為鴻臚而世貞跋以光祿稱之似誤以汝由之官屬之汝修固不若姬水序其所著之書為可據也明王世貞跋余平生所購周易禮經毛詩左傳史記三國志唐書之類過三千餘卷皆宋本精絕最後班范二漢書尤為諸本之冠桑皮紙白潔如玉四旁寬廣字大者如錢絕有歐柳筆法細書絲髮膚緻墨色精純溪瀟流瀟蓋自真宗朝刻之秘閣特賜兩府而其人亦自寶



惜四百年而手若未觸者前有趙吳興小像當是吳興家入吾郡陸太宰又轉入顧光祿失一莊而得之噫余老矣即以身作蠹魚其間不惜又恐茲書之飽我而損也識其末以示後人瑯琊王世貞元美甫重跋次頁繪像旁有小楷書王弇州先生像六字不知何人筆者明史陸太宰名完長洲人正德間官吏部尚書但跋所稱真宗朝刻之秘閣係據書首牒文而言未能審為南宋刊本且於書尾景祐以後重訂始末皆未詳考也

王士騏跋此先尚書九友齋中第一寶也近為國稅新舊併急不免歸之質庫中書此志愧明史載士騏世貞子子固伯舉鄉試第一登萬曆十七年進士終吏部員外郎亦能文

錢謙益跋趙文敏家藏前後漢書為宋槧本之冠前有文敏公小像太倉王司寇得之吳中陸太宰家余以千金從徽人贖出藏弄二十餘年今年鬻之四明謝象三床頭黃金盡生平第一殺風景事也此書去我之日殊



難為懷李後主去國敢教坊雜曲揮淚別宮娥一段淒涼景色約畧相似癸未中秋日書於平野堂又跋景山李維柱字本石本寧先生之弟也書法撫顏魯公嘗語余若得趙文敏家漢書每日焚香禮拜死則當以殉葬余深愧其言右漢書二跋載在初學集中坦公司馬既得此書屬余重錄於此又跋趙吳興家藏宋槧兩漢書王弼州先生鬻一莊得之陸水村太宰家後歸於新安富人余以千二百金從黃尚寶購之崇禎癸未損二伯

金售諸四明謝氏庚寅之冬吾家藏書盡為六丁下取此書却在人間然其流落不偶殊可念也今年遊武林坦公司馬攜以見眎余聳臆勸亟取之司馬家插架萬籤居然為壓庫物矣嗚呼甲申之亂古今書史圖籍一大劫也吾家庚寅之火江左書史圖籍一小劫也今吳中一二藏書家零星摺據不足當吾家一毛片羽見者誇詡比於酉陽羽陵書生餓眼但見錢在紙裏中可為捧腹司馬得此十篋乃今時書庫中寶玉大弓當令吳



兒見之頭目眩運舌吐而不能收不獨此書得其所歸亦差可為絳雲主人開顏吐氣也劫灰之後歸心空門爾時重見此書佛言昔年奇物經歷年歲忽然復睹記憶宛然皆是藏識變現良非虛語而呂不韋顧以楚弓人得為孔老之云豈為知道者乎司馬精於佛學并以斯言驗之歲在戊戌孟夏二十一日虞山蒙叟錢謙益重跋於武林之報恩院謙益人品不足稱而長於鑒古故於是書三致意跋中所稱謝象三黃尚寶坦公司馬

諸人均無考惟李維柱載蘓州府志京山人領鄉薦嘉靖中為常教諭又卷中有黃正賓印每用錢謙益印鈐蓋其上正賓當即官尚寶售此書於謙益者收藏諸印中有鼎元伯雅潘允端諸印無考

鼎

元

朱文 牒首 紀一 二七 年表一 三五 七 八 志一 二  
四 五 七 上 七 下 八九 傳一 五 九 五 十六 二十  
二十三 二十六 二十八 三十一 三十四 三十六 三十九 四十二 四十五

四十七 五十一 五十四 五十七  
五十八 六十一 六十四 六十五  
六十七 六十八 六十九 七十

伯雅

朱文 牒首 志一  
傳一 三十一 五十八



錢印  
謙益

白文 牒首 紀一二七 年表一三五五七 八志一  
二五七上 七下 八九 傳一五九 十二 十六 二十  
二十三 二十六 二十八 三十一 三十四 三十六 三十九 四十二 四十五

四十七 五十一

潘印

白文 牒首

顧印

白文 紀一

黃印

白文 志四

五十四

後漢書

五函 四十冊

帝后紀十卷 列傳八十卷 宋范蔚宗撰志三十卷 晉司

馬彪撰梁劉昭注補共一百二十卷

首載乾興元年十一月中書門下牒文文係孫奭奏請

刊印後漢書并劉昭補志奉勅令國子監依奏施行後  
列銜名右諫議大夫叅知政事魯給事中叅知政事呂  
中書侍郎兼禮部尚書平章事王守司徒兼侍中無姓  
考宋史乾興元年七月以王曾為中書侍郎同中書門  
下平章事呂夷簡魯宗道叅知政事與牒尾三人列銜  
胞合是年二月丁謂為司徒兼侍中六月罷按宋史職  
官志司徒為宰相親王加官而不常置時丁謂適罷故  
闕其人耳此書於宋諱桓構慎瑗諸字皆缺筆字畫款



式與前漢書相同版心下方刻書人姓名如劉仲王中  
陳仲等亦與前書相合蓋皆為紹興末年校刊而孝宗  
時成書者特以劉昭補志合刻始于乾興故仍列舊牒  
於書首

御題范書八志不傳後人雜取東觀漢記等書以補之蓋自  
宋以前無全本其不全者轉為仍古之舊宋本無八志者民  
間本也若此書有八志者學官本也乾隆御題鈐  
寶一曰乾隆宸翰

前漢書王世貞錢謙益跋皆合此書而言諸印記亦同

鼎元

朱文 牒首 紀一 二五七 十一 志一 四 十七  
十五 二十 二十四 傳一 四 七 十 十四 十七  
二十 二十二 二十六 三十一 三十二 三十五 三十八 四十二

四十六 四十九 五十一 五十四 五十七  
六十 六十三 六十五 六十八 七十一  
七十二 七十四 七十七 七十九

黃印

白文 牒首 紀五

錢印 謙益

白文 紀一 二 七 十一 十一 志一 四 十  
十五 二十 二十六 傳一 四 七 十 十四 十七  
二十 二十二 二十六 三十一 三十五 三十八 四十二 四十六



四十九 五十一  
五十四

顧印  
從德

白文  
紀一

伯雅

朱文 紀十一 志一  
傳一 空一 空八

隋書

六函  
六十冊

帝紀五卷列傳五十卷唐魏徵撰志三十卷唐長孫無  
忌撰共八十五卷

是書未載刊刻年月而於宋諱皆缺筆其避廓字乃寧  
宗嫌名係南宋嘉定間刊本

御題此書字跡紙質墨瀋與趙吳興董華亭題跋文選可稱

聯璧大內貯宋本書故多視此並遜一籌矣乾隆甲子九秋  
御筆鈐

寶二曰乾隆宸翰曰攜筆流雲藻

琴川毛氏泰興季氏藏本有印記又書堂胡氏印無考

毛晉

朱文  
目錄

寶

白文  
目錄

季印

朱文  
目錄

滄

白文  
目錄

毛姓

白文  
紀一

毛鳳

子晉

朱白間文  
紀一

季振宜  
字詒兮  
號滄葦

朱文 紀一 三  
傳二五 二十七  
三十六 四十一

志一之三七之十  
二十九之三十二  
四十一 四十九



江左

朱文志二

季振宜藏書

朱文志二  
三三三四  
三十一三十三

四六十一  
三五二九  
三六四七

十六十八  
三十一  
傳四八

御史振宜之印

白文志三五  
十四十七  
傳六十三  
十六

書堂胡氏

朱文志七十  
傳五三一  
四十一四十六

季印振宜

朱文志十三  
三三傳十五  
四十三五

滄葦

朱文志十五  
傳一三五  
四十五五十一  
四十三

宋本

朱文傳一三  
四十五四十七  
五

六四十二

闕補目錄

十八志二

二十志二十四  
三十

唐書

十函  
一百冊

本紀十卷志五十卷表十五卷宋歐陽修撰列傳一百五十卷宋祁撰共二百二十五卷書首載曾公亮准書表

考宋史仁宗嘉祐五年六月歐陽修等上新唐書是書之末前載嘉祐五年六月二十四日進書銜名提舉為曾公亮刊修為歐陽修宋祁編修官為范鎮王疇宋敏求呂夏卿劉義叟後載是月二十六日準中書劄子奉旨下杭州鏤版頒行富弼韓琦曾公亮董其事校勘官



為裴煜陳薦文同校對官為吳申錢藻按宋葉夢得論天下印書有杭州為上蜀本次之福建最下之語意當時新唐書成朝廷重其事故特下杭州鏤版詳閱此本行密字整結構精嚴且於仁宗以上諱及嫌名缺筆甚謹不及英宗以下其即為嘉祐奉勅所刊之本無疑印紙堅緻瑩潔每葉有武侯之裔篆文紅印在紙背者十之九似是造紙家印記其姓為諸葛氏考宣城諸葛筆最著而唐書載宣城紙筆並入土貢唐張彥遠歷代名

畫記亦稱好事家宜置宣紙百幅用法蠟之以備摹寫則宣城諸葛氏亦或精於造紙也

泰興季氏崑山徐氏藏本又有錢唐梁氏及李安詩梅谷樹德堂諸印無考

宋本

朱文表首 紀一四 六八 志一 五九 十三 十五  
十七之十九 二五 二十七 三十一 三十四 三十八 四十六 四十九  
表一 四七 十之十五 傳一 四七 九 十四 十九 三十一

三十五 三十八 四十五 四十七 五十一 五十五 六十四 六十九 七十二 七十七  
八十二 八十七 九十 九十四 九十九 一百三 一百七 一百三十三 一百三十五 一百三十九  
一百三十三 一百三十九 一百三十三 一百三十五 一百三十九 一百四十一 一百四十六 一百四十七



一百四十八 **乾** 朱文 表首  
一百五十 **學** 朱文 表首  
**徐** 白文 表首  
**健** 白文 表首  
**季印** 朱文 表首 紀一 四  
**振宜** 朱文 表首 紀一 四 志五 十三 二十七 三十一 表一 十一 十一 傳一

九十四 三十一 三十五  
季一 九十四 一百五十九  
一百五十六 一百四十八 一百五十九  
**滄** 朱文 表首 紀一 四 志九  
二十一 表一 四 十四 傳一  
四十三 四十七 七十三 九十 一百五十九

**季振宜** 朱文 紀六 志一 十五 十八 二十四 三十四 四十一 四十六  
四十九 表七 八 十二 九 九 一百三 十九 十四 二十七  
五十七 六十四 六十九 八十二 九十九 一百三 一百三 一百三

**御史** 白文 紀八 志十七 十九 三十八 表十下 三中之十三下  
**振宜** 十四下之十五下 傳四 三十八 五十五 七十七 一百七  
**之印** 一百十五 一百十九 一百三十三 一百五十六 一百五十九 一百五十九

一百四十一  
一百四十三  
書末  
**李安詩** 朱文 傳五 二十六  
**伯之克** 朱文 傳五 二十六  
**齋藏書** 五十六 五十七  
**錢唐梁** 朱文  
**氏珍藏** 書畫記

**子孫** 白文 俱傳五  
**永用之** 二十六  
**梅谷** 圖書  
**樹德** 堂子 俱白文 傳二十六  
**孫保之** 五十七

資治通鑑考異 一函 三冊

宋馬元撰三十卷

晁公武郡齋讀書志光既成通鑑又參考異同俾歸一

塗別為考異一編則考異本單行胡三省後取以入注



耳考書成在元豐七年玉海載元祐七年詔諸路安撫  
鈐轄司并西京南京各賜通鑑一部是哲宗朝刻本已  
具今校書內欽宗以下諱俱不闕當是元祐槧也

御題是書字體渾穆具顏柳筆意紙質薄如蟬翼而文理堅  
緻為宋代所製無疑中間十二卷至第十八卷舊闕不知誰  
氏補抄幾與雕本莫辨皇媧煉石竟成完璧亦茲書之幸也  
乾隆甲子秋八月御識鈐

寶三日幾暇臨池曰稽古右文之壘曰含味經籍

書史會要建炎間劉夫人掌內翰文字及寫宸翰高宗  
甚眷之亦善畫畫上用奉華堂印記又見陳善杭州志  
此本南渡初已入鑿藏更足徵為北宋本又倪淵乃元  
初人著周易集說易圖說卦說序例諸書黃潛文集有  
其墓志淵字仲深烏程人承務郎富陽縣尹三山教繼  
翁深於三禮而尤喜易公從之游於節文度数之詳辭  
變象占之妙靡不博考洞究其史氏一印不載名而玉  
海有史炤通鑑釋文三十卷考尚友錄炤字子熙眉山



人其父清卿蘇氏兄弟以師事之未審是其人否也

奉華堂記

朱文

倪淵

白文

史氏家傳翰林  
收藏書畫圖章

朱文

俱卷一之卷十一  
卷十九之卷三十

闕補

卷十二之  
卷十八

資治通鑑綱目

六函  
六十冊

宋朱子撰五十九卷前自序

宋陳振孫書錄解題載朱子綱目云刻于溫陵別其綱  
謂之提要今版在監中廬陵所刊則綱目並列不復別

也是書大書細注字畫分明即當時廬陵刊本

御題涑水創為開義例紫陽述訂益精微直傳一貫天人學  
兼揭千秋興廢機敬勝治子怠勝亂念茲是耳釋茲非三編  
惟此遵網紀輯覽曾無越範圍鉅出新安留面目弄增天祿  
有光輝外王內聖斯誠備勿失服膺永勅幾乾隆甲午仲秋  
月御筆鈐  
寶二曰乾隆宸翰曰幾暇臨池前繪  
御容鈐乾隆雙璽



卷後間有印記俱經割去不知誰氏所藏而補抄之葉紙潔字工竟無異於刊本則藏是書者必為好古之士書中雖有八冊以別本補入紙色印工稍遜而亦皆取之舊刻不相懸絕也

闕補卷一全卷九十二之卷三十二十七卷五十四三一之卷五十七十二之卷五十九末

通鑑紀事本末十六函八十四冊

宋袁樞編四十二卷有楊萬里序

宋史袁樞建之建安人試禮部詞賦第一乾道七年除太學錄求外補出為嚴州教授嘗以司馬光資治通鑑浩博乃區別其事而貫通之號通鑑紀事本末參知政事龔良茂得其書奏上孝宗讀而嘉嘆以賜東宮及分賜江上諸帥玉海載淳熙三年詔取袁樞資治通鑑與陸贄奏議賜皇太子熟讀以求治道與宋史脗合是書初刻於嚴陵淳熙元年楊萬里出守臨漳過嚴陵為序行之理宗寶祐時宗室趙與蘆以嚴陵版字小且訛易



為大書雙校重刊有與憲自序即此本而缺其序

御題涑水編年著通鑑建安紀事別成書興亡本末為金鑑  
條理因依若輔車雖有增前斯數典便稱續後此開初淳熙  
紙墨香天祿玩味孜孜日警予乾隆乙未新春御筆鈐乾隆  
雙璽

通鑑紀事本末

十四函  
八十四冊

篇目同前楊萬里序後有趙與憲序

按此亦寶祐刊本而刷印稍後每卷首末有禮部官書

朱文長印考明史藝文志永樂四年命禮部尚書鄭賜  
訪贖遺書又朱彛尊經義考載明永樂間勅翰林院凡  
南內所儲書各取一部於是修撰陳循督舟十艘載書  
百積送北京又嘗命禮部尚書鄭賜擇知典籍者四出  
購求遺書不特合采金元之所遺而滙於一旦奉使者  
復命必納書於庫縹緗之富古未有也鄭賜當時官禮  
部董其事或所採之書鈐以禮部官印是書似亦曾為  
所採也



闕補卷四八十卷八六十卷二十二九十卷三十八一百

通鑑紀事本末六函  
四十二冊

篇目同前趙楊二序前有元陳良弼序

是書亦寶祐舊版據良弼序稱版藏趙與籌家束之高閣四十餘年延祐六年其孫趙明安售於良弼置之嘉禾學宮復為之序良弼號公輔宣城人時為嘉禾郡文學掾出貲購版以惠後學蓋亦好古之士也書中雖間

有字畫漫漶及補葉處然實為宋槧未可以元印而少之

闕補卷一五卷六七十卷十十五卷十一三十三卷十

二八十卷十四十一卷十五一十五卷十六一百卷十

七五十卷十九十一卷二十五四十六卷二十九七十七卷十

卷三十二三十四卷三十三一百一十九卷四十一六十七卷十

帝學一函  
四冊

宋范祖禹編八卷



宋史祖禹字淳甫神宗時進士甲科從司馬光編修資治通鑑書成光薦為秘書省正字哲宗元祐初擢右正言尋改著作郎兼侍講在講筵八年蘇軾稱為講官第一嘗進唐鑑十二卷深明唐三百年治亂學者尊之目為唐鑑公是書亦同時所進書後有嘉定辛巳青社齋礪跋載祖禹五世孫擇能宰高安刊置縣齋未幾散逸戶曹玉牒汝洋一日訪得元本俾鋟木以永其傳云云考宋史宗室世系表汝洋為太宗長子漢王元佐八世

孫齊礪無考按赤城志有齊碩者青社人以宣教郎知台州則礪當屬其雁行也詳閱是書楮墨精好洵屬嘉定時所刊者

御題此宋學士范祖禹編輯進上乙覽元本也成于元祐戊辰重刊於嘉定辛巳藏弃御府有年每於幾餘展閱不特芬流楮墨足備石渠東觀之遺而自宓義迄宋凡帝王務學求師之要燦然眉列實為千秋金鑑董子有言彊勉學問則聞見博而知益明因題卷首以志自勗云乾隆甲子重九前一



日鈴

寶二曰稽古右文之章曰乾隆宸翰又御題元祐成書心力殫逮乎嘉定又重刊欣茲祖禹共編在不異九齡金鑑看務學求師著儀軌修身蒞政示倪端知之行矣吾猶恐緜几寧惟玩右觀乙未新正再題鈴乾隆雙璽明吳寬藏本寬字原博長洲人成化八年會試廷試皆第一授修撰累官至禮部尚書卒贈太子太保謚文定叢書堂印無考

叢書堂印

朱文卷八

吳寬

朱文跋末

諸史提要

二函十六冊

宋錢端禮撰十五卷前劉孝韙序

宋陳振孫書錄解題載諸史提要十五卷參政吳越錢端禮撰考宋史端禮於紹興間通判明州有聲高宗材之累遷至端明殿學士簽書樞密院院事兼權參知政事是書蓋其時所刊故序中有叅政錢公之語端禮為



吳越王錢鏐八世孫書中自鏐以後諱皆缺筆孝躋自稱門下士未詳其人書後載迪功郎前監潭州嶽廟李龜明從事郎前平江府吳縣尉主管學事徐似道迪功郎紹興府府學教授胡紘校正李龜明亦無考明凌迪知萬姓統譜載徐似道天台人少負才名為吳縣尉受知於范成大遷秘書監少監胡紘慶元人幼穎悟好學讀書過目不忘累官至吏部侍郎出為廣東經略所至有能聲劉孝躋序稱門下士合辭以請則龜明等校正

是書皆出端禮之門牆者也

明晉莊王鐘鉉藏本餘印無考

晉府書畫之印

朱文序首卷三卷五卷七卷九卷十卷十三卷十五

敬德堂圖書印

子孫永寶用

朱文卷二卷四卷六卷八卷十卷十三卷十五

新唐書糾謬

一函六冊

宋吳鎮撰二十卷前自序後載鎮進書表宋吳元美後序

宋鼂公武郡齋讀書志曰吳鎮字廷珮成都人仕至郡



守數新書初修之時其失有八類其舛誤二十門凡四百餘事又宋王明清揮塵後錄載嘉祐中詔宋景文歐陽文忠諸公重修唐書時有蜀人吳鎮者初登第因范景仁而請於文忠願預官屬之末上書文忠言甚懇切文忠以其年少輕佻拒之鎮鞅鞅而去逮夫新書之成乃從其間指摘瑕疵為糾謬一書至元祐中鎮遊宦蹉跎老為郡守與五代史纂誤俱刊行之紹興中福唐吳仲實元美為湖州教授復刻于郡庠且作後序以為鍼

膏盲起廢疾杜預實為左史之忠臣然不知鎮著書之本意也吳元美宋史無傳考明凌迪知萬姓統譜載元美福州人紹興中為福建安撫司機宜鄉人鄭瑋告其家亭號潛光有心於黨李堂名商隱無意於事秦秦檜惡之謫容州是書元美作後序時為紹興戊午乃宋高宗紹興八年序稱直寶文閣宇文時中自蜀來守吳興以郡庠有新唐書五代史版本而吳君此書不可不附見遂令併刻之云云此本密行小字楮墨甚精實宋刊



本之佳者宇文時中任左中奉大夫直秘閣亦見迪知  
萬姓統譜

御題新唐書糾謬宋吳鎮所作也觀其離為二十門遂條考  
證摘舉舛訛洵稱犖然有當夫以宋代文學之臣如歐陽修  
宋祁者主持官局尚不免紕繆牴牾信史之難亶其然乎是  
書為元刻舊本幾暇覽觀用誌數語於卷首乾隆甲子十月  
廿有八日鈐  
寶二曰莊敬日強曰內府書畫之寶

書後有明文徵明行書一行曰宏治丙辰春三月廿四  
日觀于唐子畏書樓文壁記按宏治丙辰為明孝宗九  
年書畫譜載徵明名壁以字行長洲人子畏係唐寅字  
吳縣人二人皆工書畫擅才名寶貴是書則在前明已  
難得矣子畏有印記  
本朝季振宜徐乾學均有收藏圖章

吳郡唐寅藏書印

朱文 序首 卷七 卷十一

季振宜藏書

朱文 序首 卷七

乾學

朱文



徐健菴

白文  
序首

季印  
振宜

朱文

滄葦

白文  
卷一

季振宜  
字詵芳  
號滄葦

朱文  
卷十二

卷七

新唐書糾謬一函  
四冊

篇目同前缺吳元美後序

是書密行小字體式與前部同而筆畫較肥亦間有訛字蓋宋代翻刻之本後缺吳鎮進表一葉及吳元美後序係本書所有而後經散逸者表末六行墨筆補書而中仍缺一百三十四字注明缺文補書者不知誰氏書

中頗有校正訛字之處亦留心考古之士惜所見非全本耳

明鴻臚顧汝修藏詳見後明版秦漢印統考證

本朝大學士蔣廷錫編修查慎行俱經收藏廷錫字揚孫江南常熟人康熙癸未進士選庶吉士授編修官至東閣大學士謚文肅慎行字悔餘號初白浙江海寧人康熙癸酉舉順天鄉試以大學士李光地薦入直南書房癸未成進士選庶吉士授編修得樹樓即慎行家



樓名其武陵世家顧蒙困學齋諸印無考

得樹堂藏書

朱文序首卷六卷十

南書房史官

白文

海寧查慎行字夏仲又曰悔餘

白文

蔣揚孫讀書記

朱文俱每冊首

武陵世家

顧印汝修

白文序首卷六卷三

顧蒙印

朱文卷五

卷五

顧蒙

白文卷十二

卷十二

蔣揚孫收藏記

朱文每冊

困學齋

白文卷三

廷錫

楊孫

朱文卷十二

蔣印廷錫

楊孫

白文卷二十

卷二十

闕補

進表末葉

唐書直筆新例

一函二冊

宋呂夏卿撰四卷後附新例須知一卷

宋史呂夏卿字縉叔泉州晉江人舉進士為江寧尉編

修唐書直秘閣其學長於史貫穿唐事博采傳記雜說

數百家折衷整比又通譜學創為世系諸表於新唐書

最有功鼂公武郡齋讀書志稱夏卿強記絕人預修唐

史此其在書局時所建明歐宋間有取焉此與新唐書

糾謬版式相等想同時所鈐蓋是時新書初成文學之



士爭談史事各自成書版行於世耳  
本朝蔣廷錫查慎行藏本餘印無考

因學齋

臬

得樹樓藏書

蔣揚孫讀書記

查慎行一字悔餘

錫廷

孫揚

朱文

武陵世家

顧印汝修

白文俱一冊首

蓮涇

太原叔子藏書記

朱文俱一冊首

王印聞遠

白文

聲宏

朱文俱一冊末二冊末

蔣印廷錫

揚孫

顧蒙

白文俱二冊末

唐宋名賢歷代確論

二函二十冊

一百一卷無撰人姓名

宋陳振孫書錄解題云歷代確論一百一卷不知何人  
集自三皇五帝以及五代凡有論述者隨世次編次又  
宋史藝文志載名賢十七史確論一百四卷不知作者  
卷帙雖少異意即是此書其標題唐宋名賢疑為後所  
加然宋志有詹玠唐宋遺史又有無名氏唐宋名賢詩  
話蓋當時習有此稱按書中事涉宋主皆空格於宋諱



均有缺筆且字畫刊印俱工信宋本也  
每冊首末有緝熙殿文淵閣御府內殿諸璽則南宋明  
初此書俱登中祕後乃轉入收藏家有長洲文氏玉蘭  
堂辛夷館印樵李項氏萬卷堂遼西郡諸印  
本朝泰興季氏亦有印記

文淵閣印

朱文

內殿文璽

白文

御府圖書

朱文

項印篤壽

白文

萬卷堂藏書記

朱文

項元汴氏

朱文

墨林山人

白文

子京父印

朱文  
俱每冊首

梅溪精舍

玉蘭堂

白文

辛夷館印

季印振宜

滄葦

朱文  
俱一冊首

御史之章

白文

季印振宜

滄葦

朱文  
俱卷一

季振宜藏書

朱文  
二冊之末冊

遼西郡國書印

朱文

緝熙殿藏書印

朱文  
每冊

古列女傳

二函八冊

漢劉向編八卷每傳有圖晉顧愷之畫



宋曾鞏列女傳序文傳凡八篇事具漢書向列傳而隋書及崇文總目皆稱向列女傳十五篇曹大家注以頌義考之蓋大家所注離其七篇為十四與頌義凡十五篇而益以陳嬰母及東漢以來凡十六事非向書本然也蓋向舊書之亡久矣嘉祐中集賢校理蘇頌始以頌義編次復定其書為八篇與十五篇者並藏於館閣而隋書以頌義為劉歆作與向列傳不合今驗頌義之文蓋向之自序又藝文志有向列女頌圖明非歆作也今

校讐其八篇及十五篇已定可繕寫云云鼂公武郡齋讀書志曰漢劉向撰凡八篇前有王回序其略曰此書有母儀賢明仁智貞慎節義辨通嬖孽等篇而各頌其義圖其狀總為卒篇傳如太史公記頌如詩之四言而圖為屏風然世所行向書乃分傳每篇上下並頌為十五卷其十二傳無頌三傳同時人五傳其後人通題曰向傳題其頌曰向子歆撰與漢史不合故崇文總目以陳嬰母等十六傳為後人所附予以頌考之每篇皆十



五傳耳則凡無頌者宜皆非向所奏書不特自陳嬰母所斷也頌云畫之屏風而史有頌圖在八篇中莫得而考以向所序書多散亡獨此幸存而完復為他手竄疑於其真而以頌證之刪為八篇號古列女傳餘二十傳其文亦奧雅可喜故又以時次之別為一篇號續列女傳公武按隋經籍志有劉向列女傳十五卷又有劉歆列女傳頌又有項原列女後傳今回刪此書為八篇以合漢史得之矣至於疑頌非歆作蓋目顏籀之言耳則

未必然也二十傳豈項原所作耶今合觀曾鞏王回鼂公武所言各有異同其以頌皆為劉向所作也則曾與王同而鼂又據隋經籍志以頌為出於歆手其以八篇為仍劉向之舊也則曾王鼂皆合而曾以陳嬰母以下十六事非向書本然鼂則以凡無頌者皆非向所奏書蓋因其時向之舊書已亡而所流傳者又非一本刪訂者亦非一人皆各就所據而言耳此本為宋寧宗嘉定七年刊行前有武夷蔡驥按語云列女傳頌義大序小



序及頌或者皆以為劉向子劉歆作驥謹按隋書崇文總目及本朝曾校書序則非歆作明矣然崇文總目則以續二十傳無頌附入向七篇中分上下為一十四篇并傳頌一篇共成一十五篇今人則以向所傳列女傳七篇並續列女傳二十傳為一篇共計八篇今止依此將頌義大序列於目錄前小序七篇散見目錄中間頌見各人傳後觀者宜詳察也蔡驥宋史列傳不載其云依今人所定不知出於誰氏之手書分八卷前七卷以

頌附傳後與曾鞏所訂傳七篇頌一篇定為八篇者不合至無頌之二十傳王回所云號續列女傳別為一篇者本在八篇之外此則列為第八卷書中每卷有顧愷之繪圖按曾鞏序中據藝文志有向列女傳頌圖一語並未言及所校讐者有圖與否王回則云史有頌圖在八篇中莫得而考是愷之所繪二人皆未之見此獨燦若列眉宜藝林珍秘目錄後刊建安余氏印書中或稱靜菴余氏模刻或稱余氏勤有堂刊即岳珂九經三傳



沿革例所稱建余氏也

御題劉向列女傳宋嘉定間閩中所刊圖書並列殆古遺製  
大內有顧愷之女史箴圖旁書箴文即董其昌刻入戲鴻堂  
帖者不知蘓子容所見列女傳畫為墨跡耶抑刻本也乾隆  
甲子秋九月御題鈴  
寶二曰乾隆宸翰曰攜筆流雲藻

錢謙益跋余藏列女傳古本有二一得於吳門老儒錢  
功甫一則丙戌入燕得於南城廢殿中皆僅免於劫灰

此則內殿本也功甫指示余圖書雖草略尚是顧愷之  
遺製蘓子容嘗見舊本於江南人家其畫為古佩服而  
各題其頌像側今此畫佩服古樸坐皆尚右儒者在百  
世之下得見古人形容儀法非偶然者吾子其寶重之  
余心識功甫之言不敢忘近又簡吳中舊刻贊後有贊  
乃黃魯曾以已作竄入與古文錯迕讀者習而不察久  
矣秦漢古書多為今世妄庸人駁亂甚矣古本之貴重  
也壬辰孟冬虞山蒙叟錢謙益題職考錢功甫名允治



長洲人錢穀之子黃魯曾字得之吳縣人正德丙子舉人

琴川毛氏藏本內府長印未詳時代餘印亦無考

內府 朱文 每卷 仲 丙 朱文 卷一 毛 晉 朱文 每卷 漁洋 白文 卷一 山史印

謝湖 朱文 卷一 卷三 卷五 卷七 吳生 白文 卷二 元共

闕補目錄 前三葉 卷八 末三葉

方輿勝覽 四函三十二冊

宋祝穆編七十卷呂午序祝穆自序祝洙跋卷首有引用文集目一卷

書首有咸淳二年六月福建轉運使司禁止麻沙書坊翻版榜文祝穆跋為咸淳丁卯季春丁卯係咸淳三年是書當是咸淳二年開雕成於三年因洙重訂是書故禁坊間翻刻舊版洙稱先君子方輿勝覽行于世者三十餘年版老字漫遣工新之重整凡例分為七十卷又



云元本拾遺各八本州之下新增五百餘條並標出是此書不盡為祝穆之舊矣編次首浙西訖利州凡十七路每州郡分標事要二十門考穆字和甫嘗從朱子授業以儒學昌其家子洙寶祐中進士景定間為涵江書院山長郡守徐直諒薦其趨向不凡學問有本宋史載呂午字伯可歛縣人嘉定時進士官至中奉大夫孫齊之氏印無考

孫齊之

良文卷六

闕補呂序一目錄九之卷一十九卷三十九卷四十五卷五十九卷九十七卷十五卷二十六卷三十八卷四十五卷五十八

宋版子部

纂圖互註荀子一函八冊

周荀况撰三十二篇唐楊倞注分二十卷前載楊序序

後有欵器大路龍旂九旂三圖

宋陳振孫書錄解題曰漢志作孫卿子者避宣帝諱也



至楊倞始復改為荀分二十卷而注釋之淳熙中錢佃  
耕道用元豐監本參校刊之江西漕司其同異著之篇  
末凡二百二十六條視他本最為完善云云據此則宋  
時刊刻荀子已非一本是書標為纂圖互註書中於倞  
註外又加重言重意互註諸例與經部宋本毛詩周禮  
春秋經傳集解三書正同圖樣字體版式亦復相等蓋  
當時帖括之書不獨有經也  
序首董珏生章一印無考

董珏  
生章

白文  
序首

闕補卷三一 卷十八 一 卷二十二

南華真經 二函  
十冊

周莊周撰晉郭象註唐陸德明音義十卷

宋鼂公武郡齋讀書志曰按漢書志書本五十二篇晉

向秀郭象合為三十三篇內篇七外篇十五雜篇十一

唐世號為南華真經又宋戴埴日今之刊印小冊謂中



箱本起於南齊衡陽王鈞手寫五經置中箱中賀玠曰  
家有墳索何須蠅頭細書答曰檢閱既易且手寫不忘  
諸王從而效之古未有刊本雖親王亦手自抄錄今中  
箱刊本無所不備是宋時中箱本盛行於世此書版高  
不及半尺較之經部中五經及東萊家塾詩記尺寸尤  
縮小而字畫倍加纖朗紙質墨光亦極瑩緻乃中箱本  
之最佳者

御書南華真經四字鈐

寶一曰乾隆宸翰又

御題大內宋鋟南華經傳自永樂間蠅頭細書紙香墨古誠  
寶跡也古人有中箱五經便於行役登臨觀覽斯亦其類歟  
乾隆御題鈐

寶二曰乾隆宸翰曰稽古右文之璽

明王紱贊云柱下五千漆園萬言無適非道所賦自天  
後來者上青出于藍萬幾攸暇展茲簡編玉堂秘本金  
匱竒鑄珍蒙睿覽永矢勿諼中書舍人臣紱奉勅恭贊



永樂二十一年歲次癸卯二月六日考明史王紱字孟端無錫人博學工詩能書永樂間以善書供事文淵閣除中書舍人次葉有莊子像上元程京夢書史記莊周傳京夢無考書類明文氏父子畫筆亦秀逸不知誰作華亭董其昌藏本有印記餘印無考

景之

朱文卷一  
卷十

質公

朱文  
每卷

景姐

朱文卷一  
卷十

元子公弟  
王郎記

白文卷一  
卷十

王氏世德

白文卷一  
卷十

董印其昌

白文  
卷一

四世五公

白文

痛飲  
讀離騷

白文  
俱卷十

闕補卷一二

纂圖互註南華真經  
二函  
十冊

篇目同前首有郭象序次節錄莊子大宗師為太極說而繪宋周敦頤太極圖於後并載圖說是書於郭象注陸德明音義外復標互註合之荀子皆一時所刊之書書中有世禎印未知其姓又華善卿氏亦無考按明有



華爰字仁卿鄞人正德進士歷桂林守直道忤人被劾落職家居鎮日以詩書自娛精古書法尤工羲獻行草為詩希盛唐風格見凌迪知萬姓統譜善卿氏或其雁行也

**世禎** 朱文 卷一之九

**華善** 朱文 卷二 卷三 卷五 卷七之十

**卿氏**

纂圖互註南華真經 一函 五冊

篇目同前闕郭象序及太極圖說

此與前一部版式相同惟每葉左方欄線外俱刊篇名卷數葉數於上宋版往往有此

琴川毛氏藏本有毛扆印扆字谷季晉季子精于小學最知名見蘇州府志又有莫雲卿印考明史莫如忠子是龍字雲卿後以字行更字廷韓十歲能文長善書皇甫汸王世貞輩亟稱之以貢生終又有華亭王氏王彥淳諸印無考

**高潔齋**

朱文 篇目

**汲古閣**

朱文 篇目 卷六

**毛扆之印**

朱文 篇目 卷十

**季谷**

朱文 篇目



琅邪生

朱文 篇目

華亭王氏圖書

朱文 篇目 卷八

東吳毛氏圖書

子晉書印

俱朱文篇目 卷五

莫雲卿賞識

白文 卷二

毛

晉

俱朱文卷之三卷五卷七卷八卷十

原周

朱文

彦淳

白文 俱卷一

汲古主人

朱文 卷一 卷四 卷七 卷八

毛氏子晉

朱文 卷一 卷四 卷五 卷七

王氏原周

白文 卷四

子晉

朱文 卷四 卷六 卷九

江左王生

朱文 卷五

毛晉私印

朱文 卷五 卷六

王印彦淳

白文 卷六

莫雲卿

白文 卷九

戰國策

一函 八冊

宋鮑彪注十卷首宋王信序次彪序并載劉向曾鞏上目錄序二首

按曾鞏戰國策序云劉向所定戰國策三十三篇崇文總目稱十一篇者闕臣訪之士大夫家始盡得其書正其誤謬而疑其不可考者然後三十三篇復完所謂三十三篇者東周一西周一秦五齊六楚四趙四魏四韓三燕三宋衛一中山宋一陳振孫書錄解題云尚書郎



括蒼鮑彪注以西州正統所在易為卷首其注凡四易  
藁乃定王信序曰鄉先生鮑公戰國策注余得其本刊  
之會稽郡齋序為紹興辛亥作考宋史王信字誠之處  
州嚴水人紹興進士官至通議大夫嘗以集賢殿修撰  
知紹興府山陰境有狻猊湖四環皆田歲苦潦信創啟  
斗門築十一埧化滙浸為上腴民繪象以祀更其名曰  
王公湖此書蓋即知紹興府時所刊也

闕補卷七

二十四

農蠶書

一函  
一冊

宋陳勇農書三卷秦觀蠶書一卷附樓璣耕織圖詩  
按宋史藝文志陳勇農書三卷陳振孫書錄解題云農  
書三卷稱西山隱居全真子陳勇撰未詳何人其書曰  
田曰牛曰蠶洪慶善為之後序慶善係洪興祖字又云  
秦少游蠶書見少游淮海集第六卷云云此本二書合  
刻係宋汪綱守高郵時所編其跋農書畧云高沙素稱  
沃壤每歲豐歲則長淮所賴以儲蓄者糴於此以取足



馬余曩得農書一帙凡耕桑種植之法纖悉無遺揭來守此視事之初急鋟諸木以為邦人觀孫鏞蠶書跋云高沙之俗耕而不蠶郡太守汪公取秦淮海蠶書示予曰子謂高沙不可以蠶此書何為而作乎及命鋟木與農書並傳焉二跋俱為嘉定甲戌按甲戌為宋寧宗嘉定七年後附樓璣耕織圖詩並錄璣孫洪鐫石題識稱嘉定庚午蓋汪綱刻書時見此石刻遂併取之以附於二書之末耳宋史汪綱字仲舉黟縣人淳熙中中銓試

調鎮江司戶叅軍歷知平陽弋陽蘭溪太平諸縣又以選知高郵軍進直煥章閣知紹興府擢戶部侍郎致仕綱學有本原多聞博記兵農醫卜陰陽律歷諸書靡不研究所著有恕齋集左帑志漫存錄史雖未載此書而記其知高郵時嘗增修興化堤堰以興水利政績甚多蓋留心經濟宜以勸課農桑為急務也  
樵李項氏泰興季氏藏本有印記



御史

振宜  
白文  
農書序

季振宜  
藏書

朱文  
農書上

萬卷  
堂藏  
書記

朱文  
農書中

項靖  
之印

橋李項  
藥師藏

俱朱文  
農書下

容齋三筆

一函  
三冊

宋洪邁著十六卷邁自序

宋史洪邁字景盧博極載籍雖稗官虞初釋老旁行靡不涉獵有容齋五筆夷堅志行於世陳振孫書錄解題云容齋隨筆續筆三筆四筆各十六卷五筆十卷每編皆有小序五筆未成書此三筆自序成於慶元二年凡

二百四十八則目錄後記臨安府鞞鼓橋南河西岸陳宅書籍舖印考杭州府志鞞鼓屬仁和縣境今橋名尚沿其舊與洪福橋馬家橋相次在杭州府城內西北隅按魏了翁鶴山集書苑菁華序云臨安鬻書人陳思集漢魏以來論書者為一編最為該博又南宋六十家小集亦陳思彙編書尾皆識臨安府棚北大街陳氏書籍舖刊行方回瀛奎律髓載陳起睦親坊開書肆自稱陳道人起字宗之能詩凡江湖詩人皆與之善嘗刊江湖



集以售時又有賣書者號小陳道人據此則當時臨安書肆陳氏多有著名惟陳思在大街陳起在睦親坊即今弼教坊皆非鞞鼓橋之書鋪也

御題洪忠宣皓節並蘓典屬國而時會之難有過之其子邁博學淹通壽登耆耄為宋宿儒孫亦世其家聲善人有後矣邁所著容齋隨筆雜志今古以傳其所聞此為隨筆之三真宋鏡也乾隆御識鈐

寶三曰稽古右文之璽曰乾隆宸翰曰萬國桑麻寤寐中

正統十二年崖菴重志 卷十六末

右識語一崖菴未詳其人此書歷經長洲文徵明樵李項篤壽泰興季振宜崑山徐乾學收藏俱有印記餘無考

翠竹齋

鏡硯齋

玉蘭堂

梅谿精舍

俱白文

辛夷館

俱朱文

滄葦

朱文墨印  
序首卷九

季振宜藏書

朱文墨印  
序首

崑山徐氏家藏

竹塢

江左

俱朱文  
序首



項篤壽  
字子加

白文序首卷五  
序首卷三

朱印  
子儋

白文序首目錄  
卷一卷八卷九  
卷六

有吳延  
陵季  
子之裔

朱文  
序末

秋雨  
滴  
梧桐

杏花春  
雨江南

馬生角

聖師  
苗裔

俱朱文  
目錄

季大斗  
字子祈

白文  
卷一

瀛洲  
漫夫

朱文  
卷二

卷四  
卷六

東海  
徐氏

白文  
卷九

滋

朱文  
卷九

本  
善

朱文

揚州季氏

振宜  
之印

朱文  
墨印  
俱卷九

闕補卷八

末

程氏演蕃露

一函  
一冊

宋程大昌撰六卷前自序陳應行跋

考宋史程大昌字泰之休寧人十歲能屬文登紹興二

十一年進士第主吳縣簿擢太平州教授召為太學正

試館職為秘書省正字孝宗即位遷著作佐郎選為恭

王府贊讀擢國子司業兼權禮部侍郎直學士院繼除

浙江提點刑獄徙江西轉運副使尋命權刑部侍郎升

侍講兼國子監祭酒給事中累遣權吏部尚書以行中

外更迭之制力請郡遂出知泉州汀州遷知建寧府光



宗嗣位徙知明州尋奉祠紹熙五年請老以龍圖閣學士致仕慶元元年卒賜謚文簡大昌篤學於古今事靡不考究有禹貢論易原雍錄易老通言考古編演蕃露北邊備對行於世此書有泉州州學教授陳應行跋稱淳熙庚子分教溫陵始得其禹貢圖論繼又得其考古編演蕃露二書亟命繕寫鈔木以傳於淳熙辛丑竣事按辛丑為淳熙八年合之宋史大昌出知泉州當在其時宋陳振孫書錄解題載演蕃露十四卷續六卷今書

祇六卷乃十四卷已佚而此特其續者應行字季陵建安人文獻通考載其所撰之書有杜詩六帖十八卷明焦竑藏本有印記考明史竑字弱侯江寧人萬歷十四年進士殿試第一官翰林修撰博極羣書自經史至稗官雜說無不淹貫善為古文典麗馴雅集名澹園蓋竑所自號也餘三印俱無考

澹園

朱文

子孫

白文俱序首

抱甕

白文

竹浪

白文

珍藏



嘯堂集古錄一函二冊

嘉蔭影鈔書

宋王侏撰分上下二卷首宋李邴序後宋曾機跋文獻通考載宋陳振孫語曰王侏子弁撰李邴漢老序之稱故人長孺之子未詳何王氏也皆錄古彝器款式自商迄秦凡數百章以今文釋之疑者闕焉是王侏在振孫時已無可考按宋史李柄任城縣人中徽宗崇寧五年進士第高宗紹興間累官資政殿學士卒謚文敏有草堂集一百卷此書邴序稱與侏父同鄉又為同年進士

則侏之家聲里閭約畧可知侏於邴為後進成書時當在南渡以後書未有跋其署名處闕去考宋版翻刻本乃淳熙丙申廬陵曾機所撰跋中稱是書最為後出竒文名蹟自商及秦凡數百章尤為精夥初不曉其前晦而今見因得其鋟版試摘所藏邵康節秦權篆銘較之毫髮不舛益信子弁裛類之不妄敬書于後且撮古人所為觸物存誠之意以拜之云云丙申為宋孝宗淳熙三年去紹興間未遠曾機無考當亦好古博雅之士也



書中收藏印記三俱無考卷下載古印章處下方鈐有朱印雜複不論篆刻亦出俗手非鑒賞家所為故不採錄

成趣堂

朱文 卷上  
卷下

武陵郡  
圖書印

朱文  
卷下

聽雪居  
士圖書

朱文  
卷下

太學新編排韻字類

八函六  
十四冊

宋李錫虞韶撰上平聲十五卷下平聲二十三卷上聲十五卷去聲十五卷入聲八卷共七十六卷是書卷首

刊昭武李錫建安虞韶編次考之宋史列傳二人俱不載藝文志內亦未列此書然標題之上冠以太學新編二人似曾肄業於太學者按經義考云天下印書福建本幾徧天下錫韶俱閩人當是閩中刊行之書且版高半尺乃中箱本亦宋所盛行者字朗紙堅瑩然可寶御題此宋太學本也依韻分編備聲律之用與選青賦箋同屬閩中所刊跡其字古墨香藏之秘府足為縹緗生色乾隆甲子秋日御識鈐



寶二曰乾隆宸翰曰幾暇臨池

收藏印記二俱無考

古杭瑞南高士深藏書記

朱文目錄 上平聲卷二 卷四 卷七 卷九 卷十一 卷十三 下平聲卷一 卷四 卷七 卷十 卷十三 卷九 卷十一 卷十三 卷四 卷七 卷十 卷十三 卷九 卷十一 卷十三 卷四 卷七 卷十 卷十三

千墨主 萬花居

朱文 上平聲卷一 卷三 卷六 卷八 卷十 卷十二 卷十五 下平聲卷三 卷六 卷九 卷十二 卷十五 上聲卷十五

闕補目錄 上平聲卷一 去聲卷十三 三十七之 二十九 下平聲卷七 上聲卷十二 二十二 三卷十五 三十七之 二十九 去聲卷一 五 卷五 四十二 八聲

卷一全 卷二全



嘉蔭移鈔書



